

**PEMBERITAHUAN PERTANYAAN BERTULIS DEWAN RAKYAT  
MESYUARAT KEDUA, PENGGAL KEDUA,  
PARLIMEN KEEMPAT BELAS**

---

**PERTANYAAN : BERTULIS**  
**DARIPADA : Y.B. DATO' SRI HAJI ISMAIL BIN HAJI  
MOHAMED SAID**  
**[KUALA KRAU]**

**SOALAN NO. 188**

**Y.B. DATO' SRI HAJI ISMAIL BIN HAJI MOHAMED SAID [ KUALA KRAU ]**  
minta **MENTERI KEWANGAN** menyatakan kadar peratusan Keluaran Dalam Negara Kasar (KDNK) bagi suku kedua tahun ini, dan perbandingan dengan peratusan KDNK pada tahun 2016 hingga 2018. Nyatakan juga berapa jumlah rizab antarabangsa Bank Negara Malaysia yang terkini.

**JAWAPAN**

Tuan Yang di-Pertua,

1. Untuk makluman Ahli Yang Berhormat, prestasi ekonomi negara dalam tempoh suku kedua 2019 hanya akan diumumkan pada 16 Ogos 2019. Walau bagaimanapun, pertumbuhan KDNK untuk suku kedua 2019 diunjurkan akan terus kukuh berdasarkan kepada indikator ekonomi yang positif seperti pertumbuhan pengeluaran perindustrian setinggi 4.0% pada bulan April dan Mei 2019. Kadar pengangguran juga telah turun kepada 3.3% pada bulan Mei 2019 daripada 3.4% pada bulan April 2019.
  
2. Ekonomi Malaysia adalah berdaya tahan dan stabil dengan mencatat pertumbuhan sebanyak 4.5% dalam tempoh suku pertama 2019. Jadual di bawah menunjukkan pertumbuhan tahun-ke-tahun KDNK bermula dari suku pertama 2016 sehingga suku pertama 2019.

Suku	2016				2017				2018				2019
	S1	S2	S3	S4	S1	S2	S3	S4	S1	S2	S3	S4	S1
KDNK	4.3	4.2	4.5	4.8	5.5	5.6	6.1	5.7	5.3	4.5	4.4	4.7	4.5

3. Kedudukan rizab antarabangsa negara pada 28 Jun 2019 berjumlah RM425.4 bilion (USD102.7 bilion) adalah mencukupi untuk membiayai 7.3 bulan import tertangguh dan 1.2 kali hutang luar negeri jangka pendek.